

根本說一切有部毗奈耶卷第二十八 優八

唐三藏法師義淨奉 制譯

嫌毀輕賤學處第十二

爾時薄伽梵在王舍城羯蘭鐸迦池竹林園中于時實力子苾芻被衆差令分僧卧具及

知食次時友地二苾芻與實力子積代怨讐業緣未絕此二苾芻共鄖波難陀一處言語時實力子在旁而過時二苾芻報鄖波難陀曰大德仁若被衆差分卧具及知食次者仁亦於我共相惱亂如實力子見欺於我鄖波難陀告曰具壽此苾芻被和合衆差分卧具及知食次汝等共知何因對面而作嫌毀彼二答曰上座豈可我自懊惱啼哭亦不得耶時諸少欲苾芻聞生嫌恥云何苾芻知他苾芻被和合衆差分卧具及知食次對面嫌毀

以此因緣具白世尊世尊告曰汝等苾芻衆應作法訶責友地苾芻對面嫌毀若更有餘如是流類亦應作法而訶責之鳴捷椎等如常集僧衆既集已以言白知今一苾芻作白羯磨應如是作

大德僧伽聽此友地二苾芻知和合僧伽差彼苾芻分僧伽卧具及知食次此二苾芻對具壽實力子前而爲嫌毀若僧伽時到應聽許僧伽今訶責友地二苾芻對面嫌毀白如是次作羯磨大德僧伽聽此友地二苾芻知和合僧伽差彼苾芻分僧伽卧具及知食次此二苾芻對具壽實力子前而爲嫌毀僧伽今訶責友地二苾芻對面嫌毀若諸具壽聽許訶責友地二苾芻者應可默然若不許者說此是初羯磨第二第三亦如是說僧伽今

訶責友地二苾芻對面嫌毀竟僧伽已聽許由其默然故我今如是持于時僧伽既與友地二人作訶責對面嫌毀已後於異時友地二人共鄖波難陀一處言話時實力子在旁而過彼二便報鄖波難陀曰大德仁若被衆差分侵入僧具及知食次者仁亦於我共相惱亂如似一人鄖波難陀告曰汝之二人知和合僧差此苾芻分僧具及知食次今汝二人假託餘事不道其名而作嫌毀侵入彼二答曰我豈牒名及以氏族而爲嫌賤鄖波難陀曰若汝不道他名及以氏族得作嫌毀者我亦如是不道他名罵一切衆少欲苾芻聞是語已共生嫌恥作如是語云何苾芻知和合僧差分侵入具及知食次假託餘事不道其名對面嫌毀即以此緣具白世尊世尊告曰汝等苾

芻衆應作法責數友地二苾芻假託餘事不道其名對面嫌毀准前應作

大德僧伽聽此友地二苾芻知和合僧伽差彼苾芻分僧伽具及知食次此二苾芻對具壽實力子前假託餘事不道其名對面嫌毀若僧伽時到僧伽應聽許僧伽今責數友地二苾芻假託餘事對面嫌毀白如是次作羯磨大德僧伽聽此友地二苾芻知和合僧伽差彼苾芻分僧伽具及知食次此二苾侵入芻對具壽實力子前假託餘事不道其名而爲嫌毀僧伽今責數友地二苾芻假託餘事侵入對面嫌毀若諸具壽聽許責數友地二苾芻者應可默然若不許者說此是初羯磨第二第三亦如是說僧伽今責數友地二苾芻假託餘事對面嫌毀竟僧伽已許由其默然故

我今如是持後於異時友地二苾芻由對面  
毀及假託毀僧伽與作二種責數羯磨此二  
苾芻由昔業力尚猶對面毀實力子事不停  
息時諸少欲苾芻聞是語已共生嫌恥云何  
苾芻對面嫌毀及假託毀即以此緣具白世  
尊世尊以此因緣如常集僧已告友地苾芻  
曰汝之二人實作對面假託輕毀分僧卧具  
知食次人耶答言實爾大德世尊種種訶責  
廣說如前乃至制其學處應如是說

若復苾芻嫌毀輕賤苾芻者波逸底迦

若復苾芻者謂友地二人餘義如上嫌毀輕  
賤者謂對面直言及假託餘事以言彰表波  
逸底迦義如上說此中犯相其事云何若苾  
芻被僧作法爲訶責已於十二種人被衆差  
者事未停息若嫌毀者波逸底迦若輕賤者

波逸底迦若嫌毀輕賤者波逸底迦若復苾  
芻被僧作法爲訶責已於十二種人被衆差  
者事雖停息而嫌毀者波逸底迦若輕賤者  
波逸底迦若嫌毀輕賤者波逸底迦若苾芻  
不被衆僧作法訶責於十二種人被僧差者  
事未停息而嫌毀者得惡作罪若輕賤者得  
惡作罪若嫌毀輕賤者得惡作罪若苾芻不  
被衆僧作法訶責於十二種人被衆差者事  
雖停息而嫌毀者得惡作罪若輕賤者得惡  
作罪若嫌毀輕賤者得惡作罪境想句數准  
候事應知又無犯者謂最初犯人或癡狂心亂  
痛惱所纏

### 違惱言敎學處第十三

佛在憍慢毗國瞿師羅園時闡陀苾芻犯衆  
多罪不如法說悔時諸苾芻欲令利益安樂

而住諸苾芻告曰具壽闡陀汝自犯罪應如法說悔彼便答曰諸具壽其犯罪者自當說悔諸苾芻曰汝自犯罪遣誰說悔闡陀答曰若追悔者彼自當知諸苾芻曰汝自犯罪遣誰追悔聞陀答曰諸具壽仁等犯罪勿對我前而爲說悔應對餘人而爲說悔何以故仁等皆是種種族姓種種家生而爲出家譬如諸樹其葉各別被風所吹聚在一處諸具壽等亦復如是種種族姓種種家生而爲出家由我世尊證太覺故仁等皆來共相依止作如是語違惱教時少欲苾芻聞是語已共生嫌恥云何苾芻見他如法教時出麁鄙言共相違惱即以此緣具白世尊世尊告曰汝諸苾芻應作羯磨詞責闡陀苾芻若有餘類亦同此作如常集僧今一苾芻作白羯磨應如

是作大德僧伽聽此闡陀苾芻自身犯罪不如法說悔時諸苾芻欲令利益安樂而住諸苾芻如法告時違惱衆敎僧伽今訶責闡陀苾芻違僧拒衆敎若諸具壽聽許訶責闡陀苾芻違僧伽教者應可默然若不許者說第二第三亦如是說僧伽今訶責闡陀苾芻違拒衆敎竟僧伽已聽許由其默然故我今如是持時諸苾芻如佛所教作羯磨已于時闡陀便生是念此是我過由共諸人言相詶答如有說云諸有智慧人 善護四種語 觀彼山林鳥能言被籠繫

作是念已我今宣可默無言說後於異時復更犯罪時諸苾芻欲令利益安樂而住告言闡陀汝今犯罪應如法悔彼便無言默然相惱乃至再三語時默然無說少欲苾芻見而嫌恥作如是語云何苾芻自身犯罪他告語時默然相惱即以此緣具白世尊世尊告曰汝等苾芻衆應作法責闡陀苾芻默然相惱更有斯類亦應作法如常集僧今一苾芻作白羯磨應如是作

大德僧伽聽此闡陀苾芻自犯衆罪不如法悔時諸苾芻欲令利益安樂而住告言具壽闡陀汝自犯罪應如法說悔彼便無言默然相惱若僧伽時至僧伽聽許今僧伽訶責闡陀苾芻默然相惱白如是次作羯磨  
大德僧伽聽此闡陀苾芻自犯衆罪不如法

悔時諸苾芻欲令利益安樂而住告言具壽闡陀汝自犯罪應如法說悔時諸苾芻如法話時即便無言默然相惱僧伽今訶責闡陀苾芻默然相惱若諸具壽聽許訶責闡陀苾芻默然相惱者應可默然若不許者說此是初羯磨第二第三亦如是說僧伽今訶責闡陀苾芻默然相惱竟僧伽已聽許由其默然故我今如是持諸苾芻受佛教已訶責闡陀默然相惱于時闡陀雖衆作法責其默惱後於異時復自造罪諸苾芻同前教語時彼闡陀或言或默二俱相惱少欲苾芻見是事已便生嫌恥作如是語云何苾芻自身犯罪不如法悔他教語時若語若默共相惱亂即以此緣具白世尊世尊以此因緣集苾芻衆乃至爲諸苾芻制其學處應如是說

若復苾芻遠惱言教者波逸底迦

若復苾芻者謂是聞陀餘義如上違惱言教者作惱他想以言表示波逸底迦義如上說此中犯相其事云何若有苾芻往苾芻所作如是語具壽頗見苾芻新剃鬚髮著赤色大

卷八

七

衣以物替鉢手執錫杖或以蘇蜜沙糖石蜜

盛滿鉢中擎之而去彼見問時答言我實不見如是相狀苾芻我見苾芻兩脚行去若苾芻故作是語惱亂他時得波逸底迦若他來問頗見如前所說衣鉢形相苾芻尼從此過不報言我實不見如是形相衣鉢苾芻尼從此而過但見苾芻尼兩脚行去若苾芻故作是語惱亂他時得波逸底迦如是乃至正學女求寂求寂女同前問答得波逸底迦若他來問頗見俗人擔持甘蔗竹葦柴草蘇油餅

等從此過不彼便答言我實不見如是之人但見有人兩脚行去若苾芻作是惱者波逸底迦若有問言頗見俗人男子著青黃赤白等色之衣持蘇餅等從此過乃至報云但見俗人兩脚行去如男子既爾見女人等廣說應知惱心說時皆得墮罪如語既爾默亦同斯皆得墮罪無犯者若苾芻見有獵人逐麋鹿等來入寺內苾芻見已獵人問言聖者頗見有走鹿從此過不苾芻不應答言我見若是寒時報屠人曰賢首汝可暫入溫室中少時向火若是熱時報言賢首汝可暫入涼室飲清冷水少時停息若獵者云我不疲倦我問走鹿即應先可自觀指甲報彼人云諾佉鉢奢弭若更問者應自觀太虛報彼人云納婆鉢奢弭若添梵音諾住者是爪甲義亦是不義鉢奢是見義弭是我義亦

印是我見人甲亦日我不見義若易確看不  
見物佛開方便杖言衆生若直譯云我觀指  
甲道理元不相見爲此留本梵音口授方能  
細解納姿亦兼兩義一曰太虛二表不義亦  
不可譯爲東語於中可不准諾佳思之具如  
我廣註印如此方觀臂上三云

若獵者云我不問指田及以太虛然問可殺

有情於此過不必芻即應徧觀四方作如是

念於勝義諦一切諸行本無有情即報彼云

我不見有情此皆無犯若茲芻於餘問時不

如實說者皆得墮罪又無犯者最初犯人或

癡狂心亂痛惱所纏時諸茲芻咸皆有疑俱

詣佛所白佛言世尊何因緣故闡陀茲芻見

同梵行者如法勸時不相用語以言惱亂遂

今僧伽作法呵責受斯憂惱世尊告曰此之

闡陀非但今日惱諸茲芻違善友語於過去

時亦由言故惱亂善友自受辛苦汝等當聽

乃往過去於一陂池有衆鵝群及以諸鼈同  
共居止中有一鼈共彼二鵝而結親友甚相  
憐愛後於異時遇天大旱陂水將竭時彼二  
鵝俱至鼈所報言知識汝可安隱居此泥中  
我向餘方更求池水鼈告鵝曰與汝久居情  
義相得將遭厄難棄我他行斯誠未可鵝曰  
其欲如何鼈曰汝等當可將我共去鵝曰若  
爲將去鼈曰汝等共銜一杖我敵中央共至  
清池豈非善事鵝曰我亦無辯共相攜帶然  
汝立性好爲言說不能護口必當棄杖墮落

空中我見斯已更益憂苦鼈曰我當護口銜  
杖不言鵝曰斯爲善計即便覓杖各銜一頭

鼈較中央騰空飛去遂至一城市上而過時  
彼諸人於虛空中見鵝持鼈各生驚恠共相  
告曰仁等觀彼二鵝共偷一鼈鼈聞此聲默

忍無語又到一城還從市過時諸男女同前  
嗟歎鼈便自念我更幾時忍此辛苦長懸頸  
項護口不言即便報言我自欲去非是偷來  
作是語時遂便失杖墮落于地童子共打而  
致命終二鶴見已情懷憂恨飛空而去于時  
空中有天見此事已而說頌曰

善友利益言 若不能依用 墜落受辛苦  
猶如放杖鼈

汝等苾芻勿生異念昔時鼈者即闡陀是昔  
時鵝者即難陀鷄波難陀是於往昔時聞善  
友語不肯依用遂至命終乃至今時亦復如  
是於同梵行者言不肯依用或言或默惱亂  
諸人致使僧伽作法訶責

在露地安僧敷具學處第十四

爾時佛在室羅伐城逝多林給孤獨園爾時

善施長者請佛及僧於舍受食時諸苾芻於  
日初分執持衣鉢詣長者家于時世尊在寺  
內住令人取食佛有五緣在寺而食云何爲  
五一自須宴默二爲諸天說法三爲觀病者  
四爲觀僧敷具五爲諸苾芻制其學處此時  
佛欲觀僧敷具并制學處由此爲緣在寺內  
住令人取食爾時世尊眾僧去後便持戶鑰  
徧觀寺內所有房舍乃至寺外隨近園林普  
皆觀察次至舊房於此房中多有敷具置在  
露地忽有非時風雨蒙密而至佛作是念斯  
等敷具皆是信心婆羅門諸居士等自苦已  
身減妻子分而施僧伽爲求勝福而諸苾芻  
受用之時不知其量不善守護隨處棄擲世  
尊見已作神通力屏除風雨而有重雲霞輝  
惡布不散以待世尊收攝臥禪于時世尊自

取敷具安置室中便取雨衣出於寺外方欲

灑沐即攝神通雷霆書昏遂降洪雨高下同

潤佛灑身已洗足入房宴默而住時取食苾  
芻持食既至安在一邊詣世尊所頂禮雙足

世尊常法共取食人歡言問訊苾芻僧伽所

受飲食得飽滿不答言大德皆得飽滿即便

以食進奉世尊爾時世尊食事既訖即出房

外嚼齒木洗足已旋入房中宴默而住爾時

世尊至日晡時於如常座既坐定已告諸苾

芻曰向者僧伽赴食之後我持戶論徧觀房

舍見於露地多安卧禱時天欲雨我以神力

皆悉屏除躬自收攝告諸苾芻曰諸有施主

苦自己身施僧求福汝等不能如法受用虛

損信施即說頌曰

於他信施物 知量而受用 自身得安隱

優六

十一

令他福德增

爾時世尊讚歎知足依法受用信施物已告

諸苾芻廣說如前乃至我今爲諸苾芻制其  
學處應如是說若復苾芻於露地處安僧敷  
具及諸牀座去時不自舉不教人舉者波逸  
底迦如是世尊爲諸苾芻制學處已時有衆

多苾芻隨逐商旅人間遊行遇至一城於此

城中有苾芻住處時諸苾芻欲求停止時有

一人告苾芻言聖者仁等何不詣寺而宿答

言賢首我隨商旅制不自由若向寺停行伴

便失彼言聖者但於寺宿商旅去時我當相

喚時諸苾芻便詣寺所敷僧卧具隨處而宿

於後夜時商旅發去惟有一駄彼人方覺即

便疾起驚喚苾芻商人已發仁當急去時諸

苾芻聞其喚聲即便疾起先灑手已分付卧

具既延時節商人遂遠時諸苾芻於後尋趁  
遂被賊劫衣鉢損失便至逝多林彼諸苾芻  
見而告曰善來仁等行李安樂報言何有安  
樂我被賊劫問言何故時客苾芻具答其事  
時諸苾芻聞是事已即以此緣具白世尊世  
尊告曰於住止處若有苾芻囑授而去時諸  
苾芻既聞佛教設有因緣皆屬授去爾時室  
羅伐城有二長者共爲讌隙一有信心一無  
信心其信心者作如是念我今何因增長怨  
隙可捨怨惡而爲出家便往逝多林中詣一  
苾芻而求依止爲出家法時彼無信長者隨  
問一人汝頗知彼某甲長者今何所在答曰  
彼已捨俗出家問言何處答曰在沙門釋子  
中報言彼處宣是施無畏城我當於彼以法  
治罰作無利事于時彼人是苾芻親友聞此

語已往告之曰聖者知不彼不信長者深相  
期剋作如是語豈逝多林是施無畏城我當  
往彼以法治罰作無利事苾芻聞已便作是  
念我由怖彼而來出家豈於此處還遭彼怖  
我今宜可逃避他方作是念已便至師所白  
言鄖波駄耶我由怖彼而求出家今聞彼來  
欲害於我本師問曰彼是何人答曰是舊怨  
家師曰若如是者欲向何處得免其難答言  
我今欲向王舍城中師曰隨汝意去即便辭  
師執持衣鉢發趣王城時彼不信長者往逝  
多林問苾芻曰聖者頗識某甲長者來此出  
家今在何處答曰已去問向何方答曰向王  
舍城報曰彼亦非是施無畏城我當往彼作  
無利事時彼長者便持路糧隨趣而去苾芻  
依時而去非時不去俗人則時與非時俱不

停息於其中路有一僧寺是時長者趁及苾  
芻遙見苾芻入斯寺內長者自念若入寺中  
欲共語者彼有多人必當害我明當在路我  
自知之作是念已別求息處時彼苾芻至天  
曉已告諸苾芻曰仁等今可觀察卧具我欲  
前行苾芻問曰欲何處去答曰欲詣王城苾  
芻報曰應尋此道勿行餘路報言好往遂即  
前行時彼長者旦入寺中問苾芻曰某甲苾  
芻今在何處答曰已向王城問曰取何路去  
答言此路時彼長者隨路急去及苾芻而  
告之曰咄禿頭沙門欲向何處苾芻答曰賢  
首我已出家欲除怨諍彼便答曰我於今時  
爲除怨諍即便以杖熟打苾芻幾將至死所  
持衣鉢悉皆破碎餘有殘命覆向寺中苾芻  
見問具壽何因作此困辱形容便問苾芻曰

頗見俗人來此過不彼有何言時彼苾芻以  
事具說即告諸苾芻曰我若不告具壽所向  
之處必定不遭如斯苦惱諸苾芻遂以此緣  
具白世尊世尊告曰除時因緣餘當屬授爾  
時世尊讚歎持戒者及尊重戒者少欲知足  
者隨順說法已告諸苾芻曰我觀十利廣說  
如上前是創制此是隨開爲諸苾芻制其學  
處應如是說

若復苾芻於露地處安僧敷具及諸牀座去  
時不自舉不教人舉若有苾芻不囑授除餘  
緣故波逸底迦

若復苾芻者此法中人餘義如上僧者謂是  
如來聲聞弟子敷具者謂是大牀氈褥被紵  
氍毹偃枕等雜物者謂是小牀坐枯及資具  
於露地者謂無覆蓋處去時者謂離勢分時

具壽毘波離白佛言大德離敷具時齊遠近來名爲勢分世尊告曰如生聞婆羅門種菴沒羅樹法相去七尋方植一樹枝條聳茂華果繁實七樹之內有四十九尋若安敷具在露地時齊此遠近當須囑授離此勢分即須收攝後六若不自舉不教人舉者謂不收攝也有苾芻者謂現有人堪可囑授有五種囑授云何爲五應報主人曰具壽此是住房此房可觀察此是敷具此應可覺持此是房門鑰若於其處無苾芻者應囑求寂此若無者應囑俗人此若無者應觀四方好藏戶鑰然後方去若於中路逢見苾芻應報之曰在於某處我藏門鑰汝可取之言除時因緣者謂除難緣波逸底迦者義如上此中犯相其事云何若苾芻安僧敷具故不囑授捨而去者乃至

未離勢分已來得惡作罪若離勢分便得墮罪若初去之時忘囑其事在路憶者應作是念我於某處安僧敷具若有同梵行者來見之時當爲舉攝此行苾芻應心念口言我更不應作如是事其所犯罪如法應悔若其於路逢見苾芻應告言具壽我在某處受用僧伽所有敷具汝當收舉念此苾芻定爲收攝復應心念口作是言我更不應作如是事其所犯罪應如法悔若到前住處方憶得者應作是念我於某處安僧卧具若有同梵行者來見之時當爲舉攝此行苾芻應當心念口作是言我更不應作如是事若至住處見有苾芻欲向彼處者應告言具壽我在某寺某處受用僧伽所有敷具是當收舉念此苾芻定爲收攝復應心念口作是言我更不應作如

是事若苾芻於露地處安僧敷具迴入房中爲欲安坐寂止亂心既寂定已方隨意出遂至初更若不損壞敷具者得惡作罪若損壞者得墮落罪具壽鄖波離白佛言世尊大德凡敷具者有幾種損壞佛告鄖波離有二種壞謂風及雨若風吹卷攝是名風壞若雨濕徹是名雨壞若苾芻於日暮時露安敷具至半更時而不收攝不自他看守若不損壞者得惡作若壞得墮罪如是乃至一更一更半二更二更半三更三更半四更四更半平旦西方夜有三時分十時半爲數與今難解故依此方五更爲數與今尋者易知耳日出時小食時隅中時欲午時正午時過午時日角時晡時晡後時日暮時若苾芻齊此晝夜於時中安僧敷具不即觀察若未損壞得惡作罪若損壞者得墮落罪

攝頌曰

誦經居小牀 因聽師子座 俗人借坐物  
觀時應借與 若是彼與物 用訖可持還  
應書施主名 隨情造佛像 病者詳瞻侍  
不囑五種人 受法代師爲 不依皆惡作  
少年因斷食 俗坐見應收 火水損與時  
先收於已物

爾時有婆羅門居士等來至苾芻住處作如是語聖者可爲我等演說妙法諸苾芻答曰賢首世尊現在仁等何因不往聽法耶彼云十六聖者惟一大師來求者衆或爲天龍藥叉健達婆阿蘇羅揭路荼緊那羅莫呼洛伽人非人等而宣法要我等造次無緣聽受仁等宜當爲我誦法苾芻報曰世尊未許爲人誦法時諸苾芻以緣白佛佛言應爲誦經苾芻白

佛不知如何爲彼誦經佛言應坐小座爲其誦法時給孤獨長者聞佛世尊許諸苾芻居座誦經便以五百小座奉施僧伽時諸苾芻悉皆一處高聲誦經便大誼鬧無可聽覽時諸苾芻以緣白佛佛言應令一人爲衆誦經餘者應聽時彼不知欲令誰誦爲老爲少便往白佛佛言應爲次第從老至少時少年者便在行末宣陳法要令諸聽衆心不殷重世尊告曰於上座處應爲誦經演法之時耆老苾芻失恭敬相佛言應除二三上座應坐誦經當爾之時今彼法師乏少威肅威嚴不足佛言於上座處置師子座令其誦經登陟之時稍難上下佛言若是定處應用輒爲蹊道若處不定應爲木梯法師棄睡爲人所嫌佛言應安睡器多集飛蠅佛言於內安草或置

砂土久便氣臭佛言時當灑濯日曝令乾時聽法者一行而坐行末之人不聞說法佛言應作兩行數其座席或爲半月形或作方池勢時有信敬俗人請諸苾芻就舍而食苾芻不許婆羅門居士等白言聖者若佛世尊未出于世諸外道輩是我福田今佛出世仁等是我勝妙福田我等來請仁不許者我等豈可棄善路糧而向他世時諸苾芻以緣白佛佛言若人來請應可受之彼設供時缺少座席至苾芻處求借暫用苾芻不與佛言應與苾芻食訖自持而歸俗人告曰仁等當去我自持還苾芻畏懼不肯留與佛言留與施主報曰聖者且住飲非時漿苾芻不許佛言應住飲已方行時諸俗人遇有緣事所留之座不及送還佛言應取時諸苾芻不知遣誰往

取佛言應鳴捷惟今少年者取復有俗人爲設供事來就苾芻借所坐物苾芻不與彼便報曰我爲仁等而設供養仁等自坐何不與耶佛言應與時諸苾芻食了棄去被賊所偷佛言應令苾芻爲守護者其守護人與俗同住諸人問言聖者豈可更欲重餐食耶苾芻報曰我不爲食看坐物耳俗人報曰我豈偷仁所留坐物若不信者可自持將彼不能持佛言應一邊住勿雜俗人時諸俗人同前喚食佛言若誦經者應在一邊誦經而住若修定者應在一邊端思靜慮仍觀坐物俗徒散已當可持行時有殘食及油不淨之物汙穢坐具苾芻棄去佛言若殘食汙應以水洗若油汙者應用滌豆若不淨汙以上牛糞而揩洗之方可持去如佛所教應爲誦法者時諸

卷八

十八

苾芻露地而坐被日光所迫佛言應幕覆上時遭風雨棄之而去遂便損壞佛言應可收入不知誰收佛言大衆詳收於耆年坐處多有敷設老者力劣不能擎舉佛言少者應收上座老者可舉下行收入物時聚在一處致今爛壞佛言分散安置時諸苾芻更不誦經與佛言若露若覆隨情誦經時諸俗徒有敬信者皆以真珠寶物金銀莊校上妙衣服覆師子座時諸苾芻不敢就座佛言作俗物想及無常想坐時無過時遭風雨苾芻但內僧物棄俗衣裳因斯損壞佛言應可內之時有施主造二住處一在村中一居蘭若其村中寺卧具豐饒在阿蘭若牀褥疎寡後於異時於蘭若中欲設大會時諸苾芻見無座席詣村中寺從其暫借彼不肯與佛言當與若疑

天雨及正雨爾時即不應與時在路若逢天雨應安樹下或在牆邊以一覆上彼用好覆佛言當以惡者而覆其上供設既了不即送還皆作是念彼此皆是一施主物佛言此是定屬不應餘用兩寺之物共相合雜難可辨知佛言於其物上應書寺名并可書彼施主名字云是某甲施物時給孤獨長者來詣佛所禮雙足已在一面坐白佛言世尊若佛世尊在衆首坐時衆便威肅若不坐時衆無威德若佛世尊見聽許者欲造瞻部影像置於衆首世尊告曰隨意當作置於衆首于時大衆在露地坐遇逢天雨時諸苾芻棄像入寺時有波婆羅門居士等見已譏笑仁等何故棄擲大師佛言應令俗人及以求寂移像令入若此皆無汝諸艾芻作大師想應可舉入時

有衆多苾芻各遇時患無人瞻養佛言若有病者應當瞻視佛遣瞻病苾芻不知使誰瞻視佛言應從上座乃至下座並應瞻病時有耆老苾芻皆來問疾佇立而住因生患苦佛言應坐着彼病人時諸苾芻自將座去不信俗人見而恠問聖者今欲觀舞樂耶苾芻白佛佛言諸看病者不應自持座去其瞻病人於病者邊多置坐物時六衆苾芻亦來問疾於病人所多作言話時瞻病人報言具壽且宜可去廢供病者六衆報曰隨汝意作誰復相遮報言仁當觀察我欲他行六衆報曰病者若亡汝收六物因何令我看病人乎作是罵已令病者觀察雜物即便出去于時病人不能收攝遂致虧損以事白佛佛言有五種人不應囑授今其觀察云何爲五一無慙恥

者二有隙者三年衰者四病無力者五  
未圓具者時具壽鄖波難問世尊曰若二苾  
芻同坐一座若起去時誰當收舉佛言在後  
起者應收舉之若一時起小者應收如其同  
歲應共舉收之時有親教執範二師出外經

後八

二十

行弟子門徒住在寺內於諸善品不能增長  
如蓮華乏水佛言二師出時弟子隨去時彼  
二師自持枯座弟子隨後垂手而行佛言弟  
子門人應持牀座隨逐而去時彼二師於經  
行處自爲灑掃弟子問住佛言弟子門人若  
見其師執掃箒時弟子代爲令其安住若師  
被衆差爲灑掃人不代無過若被二師爲針  
線作時弟子閑住佛言應可代爲勿令辛苦  
師被衆差作縫衣者不代無過時諸弟子受  
業之時受得業已即在師前而爲誦習佛言

受得業已應離聞處在見處而爲誦習其習  
定者受得法已可向餘處靜慮安心若見二  
師爲衆使時亦應隨時相問代彼執勞若共  
二師出經行時將座去者應可持還時彼弟  
子在前而去師便在後遇有他事不得隨來  
佛言弟子還時應問師曰師欲歸不若言歸  
者應持座去若言未歸不須持座汝等苾芻弟  
如前所制不依行者皆越法罪

### 根本說一切有部毗奈耶卷第二十八

後八

三十一

#### 音釋

鼈并列切衝也齒胡謾切口舍物以灼  
下社介蟲也齧也齧五巧切齧也鑰切開  
一切也靈靈於改切靈也隙隙縫綴切枯知林也